



Sr. Miguel J. Mansur  
Lider di Fraccion ACCION 21

STATEN VAN ARUBA

Presidente di Parlamento  
Sr. mr. E.G.A. Vrolijk  
L.G. Smith Blvd. 72  
Oranjestad, Aruba

Oranjestad, 23 juni 2022

Apreciado Sr. Presidente,

Pa medio di e carta aki suscrito kier a pidi Sr. Presidente dirigi e siguiente x10 preguntanan pa Minister di Labor, Integración i Energía Sr. Glenbert F. Croes.  
Suscrito ta desea di haya contesta por escrito riba su preguntanan.  
Gradiciendo di antemano pa su amabel cooperacion suscrito ta keda,

Atentamente,

Miguel J. Mansur  
Lider di Fraccion ACCION 21

STATEN VAN ARUBA

Ingek: 23 JUN 2022

Volgnr: IS/1094/21-22



**STATEN VAN ARUBA  
LIDER DI FRACCION ACCION 21  
SR. MIGUEL J. MANSUR**

**23 juni 2022**

**Preguntanan por escrito di miembro di Parlamento, Sr. Miguel J. Mansur, na Ministro di Labor, Integración y Energia sr. Glenbert F. Croes conforme articulo III.17 di Staatsregeling y conforme articulo 59 di Reglement van Orde van de Staten van Aruba.**

---


**Nos a tuma nota cu e contract entre RDA y Quanten Consortium Aruba, LLC a termina sin ningun resultado.**

1. Minister por splica si lo bin un otro public bid pa scoge un desaroyador nobo pa e tereno di refineria?
2. Si no lo bin un public bid con Minister y/of RDA lo scoge e proximo candidato(nan) pa desaroyo di e tereno di refineria?
3. Minister por a indica si tin un estudio balorando e cantidad di scrap metal ariba e tereno di refineria y si por comparti tanto e balor di mercado actual como e estudio cu Parlamento?
4. Nos por a nota cu un partido interesa den reapertura di e refineria, esta Eagle LNG, a termina cu un contract cuestionabel pa suministra gas na WEB sin pasa un public bid segun WTO rules. Minister por elabora ki cambionan a ser efectua pa sucedidonan asina no ripiti?
5. Tambe nos a tuma nota den media cu e compania cu a lease e tankinan di fuel di refineria no por a cumpli cu su pagonan resultando den perdida pa RDA. Minister por splica si RDA a tuma algun tipo di accion contra e compania, p.e. tuma e petroleo almacena den e tankinan bao embargo?
6. Gobierno of RDA a tuma otro accion manera persigui e compania legalmente pa purba recupera e fondonan cu no a wordo paga na RDA? Si esaki no a sosode Minister por splica pakiko?
7. Minister tanto den escoge Quanten como e compania cu a lease e tankinan pa almacena petroleo, Land Aruba/RDA no a haci un bon escogencia mirando cu ningun di dos no a duna resultado. Kiko Minister ta pensa a bay fout?
8. Kiko Minister lo haci pa trece mas claridad den con e companianan aki ta wordo selecciona?
9. Minister ta kere cu Parlamento y/of comunidad di San Nicolas mester por duna nan input ariba e diferente ofertanan? Si e contesta ta afirmativo kiko Minister ta haciendo pa facilita esey?

10. Na momento cu e tankinan pa almacena fuel a wordo leased prijs di petroleo tabata hopi abao dus tabata facil haya interesado. Awor cu prijs a subi no ta facil y kisas te hasta imposibel pa haña interesado den lease e tankinan. E escogencia fout cu a wordo haci a costa Land Aruba/RDA hopi placa dus ki stapnan a wordo tuma pa tene esnan responsabel na RDA of den ministerio responsabel? Ki tipo di accountability Minister ta eherciendo den interes nacional?

Suscrito ta desea di hanja contesta por escrito riba tur su preguntanan.

Atentamente,

A handwritten signature in blue ink, appearing to read 'MANSUR', with a long horizontal flourish extending to the right.

Miguel J. Mansur  
Lider di Fraccion ACCION 21